

tus non amoigo vigere, amantissime et inter membra Christi plurimum venerande, tum quia positus inter sollicitudines rerum ecclesiasticarum, non solum quotidianis, verum etiam furtivis horis nocturnis operam sapientiae perscrutandae vigilanter impendis; tum etiam quia quæ sentis in lege Domini, luculentio sermone, suppeditante quidem facundia, potis es proferre. Item, quia turbam imperitorum atque discolarum mirabiliter muro tuæ patientiae compescis, et eorum importunitis assaultibus immobilis permanes. Quia ergo tantam prærogativam virtutum insitam tibi considero, explanationem in librum Levitici experientiae tuæ committere decrevi. Ne id quidem volo, ut aliquis arbitretur me in tuis laudibus efferendis declamasse, et tuum caput oleo peccatoris oblinuisse: quo te tutorem ac defensorem meorum ineptiarum, uti quibusdam videtur, citius quam alio lucro asciscerem; quod si verbis meis non credunt, vel operibus credant. Porro si verus es amator sapientiae divinae, nescies parcere cuiquam quem comperis dilaceratorem illius esse: quæ quidam res tanto mihi sit odibilis, quanto magis deludo delectabiles amplexus ejusdem experiri. Cæterum vehementer reverens os loquentium iniqua, qui potius dispendia vitæ dormitando certatim unusquisque amplectuntur, quam circa mysteria sacramentorum Scripturarum explananda compendium gratissimi laboris prosequi moliantur, quæso vos, domine mihi, ut istud opus animo vigilanti transcurratis, et totum quod sanum intellectum offendit, cultro catholicæ fidei amputatis, et sic ubi minus fuerit quam decet, prout vobis placuerit, quæso iterum ut suppleatis, ut postmodum sibilus quorumdam reprimatur, et dens lividus atque corrosorius retundatur, et vestra auctoritate, diligenti quoque examine, liber iste commendatus, auribus plurimorum tutius divulgetur. Quod si quando quilibet me presumptorem et opus vires ingenii mei transcendens aggredientem estimaverit, unum quidem prorsus abnegans diluo, alterum vero mihi inesse profiteor. Quia vero vitium presumptionis me incidisse quamplures autinunt, dum textum Levitici conatus sum explanare, et stylo scatenti prolixum opus assignare; tandem satiscat virosa lingua, et potius tela super inuenientem livoris fabricata retorqueat in quemdam ar-

A chipræsulem, et in multitudinem personarum reliquias, quas munus gratiae divinae filiis supernæ Jerusalem processse voluit. Illorum namque præceptis parui. Stylo currenti atque commentatorio totum opus in decem et septem libris consummavi. Testimonia vero Scripturarum quibus ea quæ dictando scribebam, cingere frequenter procuraveram, more quidem meo, prout simplex turba fidelium flagitabat, tanquam verba libri exponere studui. Itaque dextram committens dextræ Excelsi, qui suscitat de terra inopem, et de stereore elevat pauperem, quod ipse mihi subministravit, totum quidem diutinum laborem prona mente suscipiens, poscentibus libens porrexit. Noverint trutinatores alienorum operum, quia Dominus per infirma vasa suis filiis pleraque bona nonnunquam ministrare soleat, maxime cum quispiam pauper et amator sapientiae floribus illius incubat, et pectore gemebundo, crebris quoque suspiriis, item rivulo lacrymarum interdum subsequente aures ejusdem pulsat. Quis, quæso, mortaliū adeo tenax volaticarum rerum posset tolerare importunitatem cuiuslibet indigentis, et ante portam illius alimoniam crebro clamore postulantis biennio seu triennio, quin vel micas a mensa decidentes transmitteret. Profiteor me jacuisse ante portam summæ sapientiae viginti et quinque annos nocte ac die, quibus poteram desideriis implorans, ut me siuientem in cellam vinariam intromitteret, et vino incomparabilis lætitiae meam inopiam relevaret. Et quoniam frequenter, sicut Veritas protestatur, dicens: *Pulsate et aperietur vobis*, mihi quoque suum ostium divina clementia pulsanti reservavit, et pro meo affectu plurima propinavit, quæ aliis propinare procuravi. Omnis qui indiget sapientia, postulet a Deo et dabitur illi. Certe nonnunquam viderim pauperem cæteris in postulando stipem corporis necessariam paulisper importuniorem, et ideo persæpe vi clamoris continue id quod desiderabat obtinuisse, et idipsum quod extorserat collegis suis torpescientibus distribuisse. Hunc itaque ritum imitando perhibeo esse importunus Domino meo Iesu Christo, qui si non dat mihi, eo quod amicus ejus sim, surget tamen propter improbitatem, et dabit mihi panes quotquot habeo necessarios.

EPITAPHIUM RICHARDI

(Neustria pia, 510.)

Lux, flos, vas, patriæ, monachorum, philosophie,
Abbas Richardus, tota domus jacet hic.
Quidquid contextit lex, ejus lingua retexit,
Et veterum quod quis implicat, explicuit.
Qui Februī ternas assignat morte Kalendas
Cui det perpetuum vivere vita Deus.